

Zeitschrift: Nebelspalter : das Humor- und Satire-Magazin
Band: 99 (1973)
Heft: 38

Artikel: Das Ergebnis unseres Vers-Wettbewerbes Gesucht wird: dr nüüi Schwyzer!
Autor: Eggler, Käthi / Metzger, Daly / Ambauen, Edgar
DOI: <https://doi.org/10.5169/seals-512056>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>



Das Ergebnis unseres Vers-Wettbewerbes Gesucht wird: dr nüüi Schwyzer!

In der Sondernummer «Der Kanton Schwyz vom Nebelpalter durchschaut» fragten wir, ob die neuzeitlichen Schwyzer immer noch

Wie wett dä nüüi Schwyzer si?
Dä schlau Turischtevater,
Für d Kinde fascht äs Ideal,
Für d Schwizz und d Wält Original,
Rüicher all Tag und satter.

Was wett dä nüüi Schwyzer si?
Alls - nume nüd sich sälber,
So gleitig wien à Zürcher Ma
Und charmant wien à Vaudois,
Käi Hirt vo Süü und Chälber.

Wie wett de nüüi Schwyzer si?
Voll Witzli und Ideye.
Uf siner Meinig blibt er lang,
Sogar wänn är dr Schuelafang
Für d Zürcher loht lo gheye.

Wie wett dä nüüi Schwyzer si?
Chli Jugend und chli Alter,
As bitzli gschiider als sy Sohn
Ime berühmte Urkanton -
Scho vor äm Nöbelpalter.

Käthi Eggler, Wolleran

Wie wett dr hüting Schwyzer si?
Faschi grad wie üsi Alte,
Mit Schnäuz und Bärt und lange Hoor,
De Coiffeur gsehnds nur all paar Johr,
De Dräck am Gwand wänds bhalte.

Wie wett dr hüting Schwyzer si?
Versteckt si ruuchi Schale,
Isch all no fry wie wiissi Schöffi,
Solang dr Alti langet teuff
In Sack und tuet brav zahle.

Wie wett dr hüting Schwyzer si?
Rächt friedli und rächt heiter.
Wott nid in Dienscht, kei Militär,
Die Arbet siig für ihn vill zschwer,
S wär rächt für d Gastarbeiter.

Wie wett dr hüting Schwyzer si?
Kei Held, sisch nid sin Wille.
I d'Zukunft liegt er düster dry:
«Wer wird de letschi Schwyzer si?»
Dänn - d Schwyzeri nimmt Pille.

Daly Metzger, Schlieren

Wer wett dr hüting Schwyzer si,
De starch und trotzig Kärl?
Nur nid à grossi Gschichtsfigur
Mit Heldetat und Rütlischwur,
Sisch alles doch äs Märl!

Was wett dr hüting Schwyzer si?
Grad sglich wie au sys Ländli:
Dr Mittelpunkt vo däre Wält,
Voll Bärge, Schnee und Gescht mit Gäld;
Sganz Jahr im Sunntigsgwändl!

Wie wett dr hüting Schwyzer si?
Im Sport än Siech mit Rasse,
Längts nid zum Erste i dr Spur
Und Sänneschwinger vo Statur,
So chan är sicher jasse!

Wie wett dr hüting Schwyzer si?
I Schuel und Gmeind fry walte,
Gäg alles si mit Härz und Hand,
A Sonderfall im Heimatland:
Grad so wie scho die alte!

Edgar Ambauen, Küssnacht

Wie wett dr hüting Schwyzer si?
So rich wie d Rockefeller.
Er chlemmt und schpart und schpekuliert.
Er hets halt noni ganz kapiert:
D Inflation isch gschneller!

Was wett dr hüting Schwyzer si?
An originelle Planer.
Macht jedä Quatsch em Yankee na.
Alls nüüä us Amerika
Kopiert är wie d Japaner.

Wie wett dr hüting Schwyzer si?
An Playboy-Typ, wo Chatze
A jedem Finger eini het.
Im Fitness-Club bekämpft ärs Fett
Und het halt glich ä Glatze.

Wie wett dr hüting Schwyzer si?
So frii wiä einisch früner!
Dr Kinsey säit, was leischte settsch,
Und Pfrau verputzt, was schpare wetsch...
So frii sind hüt aü d Hüener!

Ruedi Heinzer, Münsingen

fromme Heldenväter, eine wilde Kumpanei oder «schiergar wie hüt die junge» sind. Das wollte der Nebelpalter erfahren. Die Schilderung des neuen Schwyzers sollte sich in Versmass und Strophenform möglichst an die Vorlage von Meinrad Liener's «Alten Schwyzern» anlehnen. Ueber hundert Einsendungen sind in Rorschach gesichtet und geprüft worden. Hier die preisgekrönten Arbeiten (ohne Rangfolge). Der Nebi ist wieder auf geharnische Protestbriefe aus dem Kanton Schwyz gefasst ...

Wer sind die nüüie Schwyzer, wer?
Die luute Progressive?
En höich gtuiderti Kumpany?
Mit lääre Worte fahrens dry,
Wos sälber nid begryffe.

Was sind die nüüie Schwyzer, was?
So weich wie Öpfelhuechli.
Wältoffe jedem Modefurz,
Fulänze viel u schaffe churz
U staggle fremdi Flüechli.

Wie sind die nüüie Schwyzer, wie?
Erztroche u verbohret.
Händ Gschpass nur no am Flimmerhaschte,
Am Toto und am Haschischknaschte,
Der «Blick» isch ihri Wohret.

Wie sind die nüüie Schwyzer, wie?
Schiergar fasch wie die Alte.
Blöiss sind jetz ihrer Stubeli
Us Bläch, wüll jedes Dubeli
En Held wott sy im Schalte.

Hans Rud. Scheidegger, Gümligen

Wer sind die neue Schwyzer - Sie?
Sinds frommi Heldevätter?
Sinds nöd à fadi Kompanie?
De Blitz und s Für - die förchet sie -
Und bsunders s Rägewätter.

Was sind die neue Schwyzer - Sie?
Sinds immer nochli Chnebel?
Am liebschte häands schints d Opferbüchs,
Und fründli sinds wie alti Füchs
Zo Frände mit viel Hebel.

Wie sind die neue Schwyzer - Sie?
Zviel Spass tüends lieber flüche.
Wenns Geld git, hebets Töpli hüf,
Sie nemets gschwind - versorgets tuf,
Wöndz niemee use züche.

Wie sind die neue Schwyzer - Sie?
Sinds no so wie die Alte?
Schints segets früner chliner gsii,
Doch trotzdem ziemlich stolz debii -
Ach - hettets doch paar bhalte!

Paul Thoma, Wil

Villiger-Kiel

überraschend mild





elegant, modern
5er-Etui Fr. 1.50

Wie wett dr hüting Schwyzer si?
Nöd besser als die alte!
Wenn d' Umständ au ganz andersch sind,
Er het no all sin härté Grind,
Und das wett er so bhalte.

Wie wett dr hüting Schwyzer si?
Nöd schüüch und unerfahre.
Er isch hüt «in», isch «up to date»,
Und wenn au öppis abverheit,
Versuecht er s Image z wahre.

Wie wett dr hüting Schwyzer si?
Fascht glich wie sini Ahne.
Drum treit er wieder Schnauz und Bart,
Das söll nach alter Schwyzerart
A d' Heldeväter mahne.

Wie sött dr hüting Schwyzer si?
Das söll mir ein verzelle!
Er sött ein si wo alles miech,
Nach Lienert fascht en Siebesiech,
Doch meischtens blibts bim welle.

Hans Müller, Arbon

Wie wettid hüting Schwyzer si?
Doch nüme Heldeväter
Wie früener, aber immerhi
— au oni Morgeschtern — e chli
Wie d Väter, «Dunnerwätter».
Wie wettid hüting Schwyzer si?
Wie d Väter, nu no küener.
Statt Gülebäne wänds als Gfäärt
Es Auto jetzt, au trägetz Bärt
Vil küener als die früener.

Was wetti hüt en Schwyzer si?
En «Sibesiech» mit Rasse
Und breite Achsle, Ärm voll Chraft.
Und isch er pring, macht d Meischterschaft
Er mindeschens bim Jasse.

Wo wettid hüting Schwyzer si?
Uf ken Fall hinderm Ofe
Deheime, wänns um d Maitli gaat.
E rächtli Frau ischs Resultat
Devo — und s Huus voll Goofe.

Was wettid hüting Schwyzer si,
Wo müsst mer si go sueche?
Ganz sicher nöd bim «Hippygschmöis».
Da sägdes: «Das isch nüt für öis,
Da simer lieber Rueche.»

Werner Sahli, Zürich

Wie wettid hütingi Schwyzer sii?
Frommi Famileväter?
De Stolz vor ganze Kompanie?
Voll Füür und Witz göndt druf und dri,
Wie gschnigleti Verträter.

Wie wettid hütingi Schwyzer sii?
Sä zäch grad wie de «Wisel»!
Verschosse in e Autobüchs,
Durtribe, fräch und gar nüt schüchs,
Und zringetume Güsel!

Wie wettid hütingi Schwyzer sii?
Voll poppig Melodye
So giltmerglich und fascht wie Schöff,
Für d' Umwält blind, im Niveau teuff,
Und volle Schlampereye.

Wie wettid hütingi Schwyzer sii?
Schier gar fascht wie die Alte.
Nu d Priise sind na niedrer gsi,
Si müend si halt au schicke dri,
De Standard — dä wänds bhalte.

Leonhard Köchlin, Weinfelden

Zeigen Sie die Zähne!



**Die ultra-frische
Ultra Weiss
gibt Ihrem Mund
sex appeal!**



Etwas frisch... ungewöhnlich... das ist die Ultra Weiss.
die atemberaubende Zahnpasta mit dem ultra-erfrischenden Geschmack.
Zeigen Sie die Zähne! Denn Ultra Weiss gibt Ihren Zähnen
ein ungewöhnliches Weiss und Ihrem Mund eine verführerische, atemberaubende Frische.
Ultra Weiss — dagegen ist alles andere eben bloss Zahnpasta.

**die atemberaubende Zahnpasta –
mit dem Mundwasser-Effekt.**